

subvencións para fomentar a produción de produtos agroalimentarios de calidade de orixe animal.

No seu artigo 5, indícase que o financiamento das axudas previstas nesta orde se fará con cargo aos orzamentos da Consellería do Medio Rural para o ano 2009, na aplicación orzamentaria 11.03.713D.781.0, cunha dotación de 125.000 €; e con fondos transferidos polo Ministerio de Medio Ambiente, Medio Rural e Mariño, de acordo co previsto no Real decreto 1615/2007, do 7 de decembro.

Unha vez recibidos os ditos fondos, considérase oportuno ampliar o importe da dotación orzamentaria consignada inicialmente para a concesión das mencionadas axudas.

En consecuencia, de acordo co disposto no artigo 30.I.3º do Estatuto de autonomía de Galicia, e no uso das facultades que me confire a Lei 9/2007, do 13 de xuño, de subvencións de Galicia,

DISPOÑO:

Artigo único.-*Obxecto.*

1. Amplíase a dotación orzamentaria con fondos transferidos do Ministerio de Medio Ambiente, Medio Rural e Mariño despois da correspondente xeración de crédito, segundo se establece no artigo 5 da Orde do 20 de marzo de 2009 (DOG nº 58, do 25 de marzo) pola que se convocan para o exercicio orzamentario de 2009 as axudas para fomentar a produción de produtos agroalimentarios de calidade de orixe animal.

2. O incremento da dotación será con cargo á aplicación orzamentaria 49.04.741A.771.0 por un importe de 241.545 euros.

3. En todo caso, a concesión das axudas reguladas na mencionada orde estará limitada ás dispoñibilidades orzamentarias.

Disposición adicional

Única.- A ampliación de crédito prevista no artigo único desta orde non afecta o prazo de presentación de solicitudes establecido na Orde do 10 de xuño de 2009 pola que se amplía o prazo de presentación de solicitudes das axudas previstas na mencionada Orde do 20 de marzo de 2009.

Disposición derradeira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 18 de novembro de 2009.

Samuel Jesús Juárez Casado
Conselleiro do Medio Rural

Orde do 18 de novembro de 2009 pola que se amplía a dotación orzamentaria da Orde do 29 de abril de 2009 pola que se modifica a Orde do 24 de xuño de 2008, pola que establecen as bases reguladoras de concesión de axudas, en réxime de concorrencia competitiva, para a renovación do parque de maquinaria agrícola da Comunidade Autónoma de Galicia, e se convocan para o ano 2009.

A Orde do 29 de abril de 2009 pola que se modifica a Orde do 24 de xuño de 2008 (DOG nº 87, do 6 de maio de 2009), pola que se establecen as bases reguladoras de concesión de axudas en réxime de concorrencia competitiva para a renovación do parque de maquinaria agrícola da Comunidade Autónoma de Galicia e se convocan para o ano 2009, no seu artigo 7 relativo ao financiamento destas axudas, detalla a aplicación orzamentaria e o importe económico previsto para elas. Este artigo prevé expresamente a posibilidade de incrementar a dotación orzamentaria contida na referida orde polo que, tendo en conta que o número de solicitudes presentadas superou as previsións realizadas por esta consellería, cómpre ampliar a dotación orzamentaria consignada inicialmente.

En consecuencia, de conformidade co disposto no artigo 30.1º.3 do Estatuto de autonomía de Galicia, e no uso das facultades que me confire a Lei 9/2007, do 13 de xuño, de subvencións de Galicia e a Lei 1/1983, do 22 de febreiro, de normas reguladoras da Xunta e da súa Presidencia,

DISPOÑO:

Artigo único.

Primeiro.-Amplíase a dotación orzamentaria que se establece na Orde do 29 de abril de 2009, pola que se modifica a Orde do 24 de xuño de 2008 (DOG nº 87, do 6 de maio 2009), pola que se establecen as bases reguladoras de concesión de axudas en réxime de concorrencia competitiva para a renovación do parque de maquinaria agrícola da Comunidade Autónoma de Galicia e se convocan para o ano 2009.

Segundo.-O incremento da dotación para o exercicio 2009 será de 96.593 euros, con cargo á aplicación orzamentaria 49.02.712C.770.0 (código proxecto 200209800) 570.049 euros, con cargo á aplicación orzamentaria 49.02.713C.770.2 (código proxecto 200500452) e 2.911.251,00 euros, con cargo á aplicación orzamentaria 49.02.713C.770.2 (código proxecto 200800429), dos orzamentos da Comunidade Autónoma de Galicia para o ano 2009.

Terceiro.-Esta modificación non afecta o prazo que se establece para a presentación de solicitudes de axuda na devandita Orde do 29 de abril de 2009.

Disposición derradeira

Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 18 de novembro de 2009.

Samuel Jesús Juárez Casado
Conselleiro do Medio Rural

IV. OPOSICIÓN E CONCURSOS**CONSELLERÍA DE FACENDA**

Resolución do 16 de novembro de 2009, do tribunal designado pola Orde do 7 de setembro de 2009 (Diario Oficial de Galicia número 179, do 11 de setembro) para cualificar o proceso selectivo para o ingreso no corpo administrativo da Xunta de Galicia (subgrupo C1), escala técnica de auxiliar de informática, convocado pola Orde do 21 de novembro de 2008 (Diario Oficial de Galicia número 234, do 2 de decembro), pola que se dá publicidade a determinados acordos do tribunal respecto da realización do segundo exercicio da fase de oposición.

En sesión que tivo lugar o día 16 de novembro de 2009 constituíuse o tribunal designado pola Orde do 7 de setembro de 2009 (DOG número 179, do 11 de setembro) para cualificar o proceso selectivo para o ingreso no corpo administrativo da Xunta de Galicia (subgrupo C1), escala técnica auxiliar de informática, adoptando os seguintes acordos respecto da realización do segundo exercicio da fase de oposición, de conformidade co disposto na base II.1.2. da convocatoria:

1. O segundo exercicio da fase de oposición terá lugar o día 10 de decembro de 2009, no auditorio do recinto feiral de Silleda, en chamamento único que se iniciará ás 16.00 horas.

2. Os aspirantes deberán ir provistos de DNI ou documento fidedigno acreditativo da súa identidade, a xuízo do tribunal, lapis do nº 2 e goma de borrar.

3. Non se permitirá nos recintos onde se realice o exercicio o acceso e tenza de teléfonos móbiles, axendas ou demais dispositivos de carácter electrónico. Así mesmo, queda prohibido o acceso aos recintos con calquera outro material ou instrumento do que se poida valer o aspirante para auxiliarse na realización do exercicio. Advírtese que non haberá servizo de recolla de teléfonos móbiles.

Santiago de Compostela, 16 de novembro de 2009.

Luis Fernando Núñez Alonso
Presidente do tribunal

Resolución do 16 de novembro de 2009, do tribunal designado para xulgar o proceso selectivo para o ingreso no corpo de xestión da Administración da Xunta de Galicia, subgrupo A2, convocado pola Orde do 17 de xullo de 2009 (Diario Oficial de Galicia número 141, do 21 de xullo), pola que se fai pública a data, a hora e o lugar de realización do segundo exercicio da fase oposición.

Na sesión que tivo lugar o día 6 de novembro de 2009, o tribunal nomeado pola Orde do 17 de xullo de 2009 (DOG número 141, do 21 de xullo) para cualificar o proceso selectivo para o ingreso no corpo de xestión da Administración da Xunta de Galicia, subgrupo A2, convocado pola Orde do 18 de xullo de 2008 (DOG número 144, do 28 de xullo), e de conformidade co disposto nas bases da convocatoria, adoptou os seguintes acordos:

Primeiro.-O segundo exercicio da fase de oposición terá lugar o día 29 do novembro, no Auditorio do recinto da Feira Internacional de Silleda, en chamamento único, que se iniciará ás 10.00 horas.

Segundo.-Os aspirantes deberán ir provistos de DNI ou documento fidedigno acreditativo da súa identidade, a xuízo do tribunal, bolígrafo, lapis do número 2 e goma de borrar.

Terceiro.-Non se permitirá no recinto onde se realice o exercicio o acceso e tenza de teléfonos móbiles, axendas ou demais dispositivos de carácter electrónico. Así mesmo, queda prohibido o acceso ao recinto con calquera outro material ou instrumento do que se poida valer o/a aspirante para auxiliarse na realización do exercicio.

Advírtese que non haberá servizo de recollida de teléfonos móbiles.

Santiago de Compostela, 16 de novembro de 2009.

Belén Liste Lázara
Presidenta do tribunal

**CONSELLERÍA DE EDUCACIÓN
E ORDENACIÓN UNIVERSITARIA**

Anuncio do 10 de novembro de 2009, da Dirección Xeral de Centros e Recursos Humanos, polo que se comunica a publicación das puntuacións provisionais e a relación de excluídos do baremo aberto pola Resolución do 13 de outubro de 2009, desta dirección xeral, pola que se comunicaba a apertura dun prazo para solicitar prazas de interinidades ou substitucións para impartir docencia de relixión no nivel de educación secundaria obrigatoria e bacharelato nos centros docentes públicos que dependen desta consellería.

Rematado o prazo para presentar a solicitude e realizada a baremación dos méritos, procede a publica-